



«Аяла» санаторлық бөбекжай» коммуналдық мемлекеттік мекеме

Әжелер мектебі

«Отбасым-бақыт мекенім»

Ақсукеңт 2024 ж

«Отбасым – бақыт мекенім».

Құрметті әріптестер, әжелер «Аяла» санаторлық бөбекжай» педагогтерінің ұйымдастыруымен өткелі отырған «Отбасым – бақыт мекенім» атты іс шарамызға қош келіпсіздер.

Ұлттың ұлт болып ұйысуы қашан да оның тілі мен ділінің, салт-дәстүрінің бекемдігіне байланысты. Осы құндылықтарды қалыптастырып, негіздеуші рухани бастаулар отбасылық тәрбиеде жатыр. Отбасылық тәрбие адам өміріне әсер етіп қана қоймай, дүниетанымын да қалыптастырады. Өнегелі шаңырақтан шыққан жанның қоғамдағы орны да биікте болмақ. Осы ретте отбасындағы ата мен әженің ролі ерекше. Өйткені, бала да, немере-шөбере де алдымен ата-анасының, сосын атасы мен әжесінің қас-қабағына қарап өседі. Солардың берген тәлім-тәрбиесін бойына сіңіріп, ержетеді.

Әжелер – даналықтың бұлағы. Қай бала да әжесінің әлдіі мен ертегісін, ұлағатты сөздерін ести келе жақсы азамат болып өседі. Әйткенмен, бүгінгі таңда немерелеріне ертегі айтатын әжелер азайып кеткендей алаңдаймыз. Әсіресе, қалада тәрбиеленгендер бесік жырын былай қойғанда немерелеріне ертегі айтып бере алмайды.

Әжем менің ақ әжем,
Ешкімде жоқ бұл әжем.
Ертегі айтып береді,
Мағанда сол керегі.
Әжемді жақсы көремін
Өлең айтып беремін
Үлкен болып өскенде
Бәрін алып беремін.

Мектепке дейінгі ұйымның мамандары ата-аналарға баланы тәрбиелеу мәселелері бойынша бағыт-бағдар беруі қажет. «Әжелер мектебі», «Аналар мектебі», «Әкелер мектебінің» қызметі балаларды қазақ халқының ұлттық құндылықтарына, отбасылық құндылықтарға, отаншылдыққа, Отанға деген сүйіспеншілікке, оларды мәдени - әлеуметтік нормаларға баулуға, балаларды дамыту мен тәрбиелеу үшін отбасы мен мектепке дейінгі ұйымның күш жігерін біріктіруге бағытталуы қажет. Біз енді осы үшеуінің ішінен «Әжелер мектебін» аштық. Отбасында балаларды тәрбиелеумен көбінесе аға буын – аталар мен әжелер айналысты. Дана қарттар отбасындағы дәстүрлерді сақтап, оларды өскелең ұрпаққа жеткізеді.

Қазақ халқы «Қызға қырық үйден тыйым салу» деген мақалдың мағынасына көңіл бөліп, қыздардың тәрбиесіне ерекше мән берген. Жақсы тәрбие алған, үлгі-өнеге көрген қыз баланы – бүкіл бір ұлттың тағдыры мен болашағы деп білген.

Қазақ отбасында ұлдардың тәрбиесімен ер адамдар (әкесі, атасы, ағасы және т.б.) айналысса, ал қыздардың тәрбиесі анасына, әжесіне жүктелді. Қарты бар үйдің қазынасы бар демекші.. Әжелер сіздерге осы бір өлең шумағын айтып өтсем.

Отбасы-мемлекеттің негізгі буыны. Тәрбие – отбасынан басталады, болашақ ұрпақтың еліне, Отанына деген сүйіспеншілігі алдымен ата-ананың ықпалы мен қалыптасады. «Дәулет есіктен, ақыл бесіктен кіреді» демекші білім бесігі мектептен тәрбие бесігі отбасынан бастау алады. Отбасының екі тірегі- әлпештеген әке мен аялаған ана. Отбасы-адам баласының түп қазығы, алтын ұясы.

Адам баласы шыр етіп дүние есігін ашқаннан бастап сол ортаның ыстық-суығына бейімделіп, ықпалына көніп, осында ер жетеді. Отбасы мүшелерінің жауапкершілігі толығымен ер азаматқа жүктеледі. Баланы өсіріп тәрбиелеу – әйел ананың тікелей міндеті.

1. Әжелер енді өдеріңізді таныстыра отырып, біздің «Аяла» санаторлық бөбекжайымызға балаларымызға деген тілектеріңізді айтып өтсеңіздер.
2. Келесі кезекте бізде сұрақ- жауап

1. Отбасы дегенді қалай түсіндіріп бересіздер
2. Отбасының басшысы кім?
3. Барлық отбасы бірдей болады деп ойлайсыздарма?
4. Отбасыларыңызда қиыншылықтар болдыма?
5. Отбасының бүкіл міндеті кімдерге жүктелген?

3. Ал енді әжелер сіздерге біздің «Сұңқар» тобының қыздары тәрбиеші апайларымен бірге текеметтің жасалу жолдарын көрсетсе сіздер соны тамашалап бағалап берсеңіздер.

Енді «Әжесін қайсысы жақсы көреді?» атты көріністі тамашалайық. Балалар, атамыз, әжеміз, әкеміз, анамыз бізді еркелетіп айтады. Олар сендері «айым», «күнім», «жұлдызым» т. б әдемі сөздермен еркелетіп айтады. Қане, отбасында сендерді кімдер және қалай еркелетеді екен?

Балалар, біз әжелерімізбен бірге бір ойын ойнайық.

Ойынның шарты: Ортаға 4- 5 бала шығады. 1 - 2 әженің көздері байлаулы күйде солардың ішінен өз немересін тауып алады да, қандай ерекшеліктерімен тапқандықтарын ауызша айтып береді.

«Күннен жылу тарайды, анадан мейірім тарайды» деген қасиетті сөз тегін айтылмаған. Яғни, қазір біз өз балаларымыздың бойындағы игі жақсы қасиеттерді бір ауыз сөзбен күн шуағына жазып шығамыз.

(әр ата - ана жақсы қасиеттерді жазып, күнге жапсырады.)

Балалар, міне, күн шуағынан керемет қасиеттер пайда болды. Сендердің бойларындағы бар жақсы қасиеттеріңді әжелерің осы күн шуағы арқылы жеткізіп берді.

Біз бүгін өзімізге жақын, ең қымбат ата - әжеміз туралы, ең сүйкімді іні - қарындас, аға - әпкеміз туралы әңгімелестік. Біз оларды жақсы көруді, сыйлауды үйрендік. Олардың бізге тек жақсылық тілейтінін білдік. Отбасы - ол үлкен қуаныш, шаттық, мейірімділік, қамқорлық, сүйіспеншіліктің ортасы.

Ата - аналарың сендердің нағыз адам болып өскендерінді қалайды. Сендерді жақсы көретін адамдардың сенімі мен еңбегін ақтауға тырысайық. Әрқашан отбасы мүшелерін сыйлап, құрметтеу керек екендігін ұмытпайық. Әжелер сіздер немерелеріңізге жылы сөздеріңізді айтыңыздар.

- Күндей жылы бол!

- Алмадай тәтті бол!

- Айдай жарық бол!

- Жүзік сияқты әдемі бол!

Құрметті әжелер ! Бүгінгі біздің «Отбасым - бақыт мекені» атты әжелермен танысу іс шарамыз аяқталды. Келесі кездескенше қош сау болыңыздар!

